



Inatsisartunut ilaasortaq
Tillie Martinussen
Demokraatit

**Illersuisoqartarnek pillugu § 37 naapertorlugu apeqcutip nr. 154-p
akineqarneranut tunngasoq**

Asasara Tillie Martinussen

Illersuisut pillugit apeqcutigisannut qujanaq.

Apeqcutigisatit tullingguuttuni akissavakka:

- 1. Kalaallit Nunaanni eqqartuussiviit, kalaallit nunaanni kommunit imaluunniit kalaallit nunaanni politiit illersuisut immikkut ilisimasallit ilitersuisinnaasullu atortarnerlugit innuttaasut arlaannik pinerluffigineqarsimatillugit imaluunniit inatsisinik unioqqutitsisimatillugit assigisaanilluunniit? Uani pinerluttulerinnermut inatsimmut attuumassuteqartut kisiisa eqqarsaatiginngilakka aammali eqqarsaatigaakka innuttaasut pinerlussimasunik nalunaaruteqarniartut ikiorneqartarnersut taakku qitornaaluunniit inuit pisinnaatitaaffiinut ilisimasaqangippata, ikiorlugit piunasaqaateqarnissaannut aamma naliginnaasumik ikiorlugit unnerluussiniarneranni?**
 - **- Taamaassimappat kissaatigaara suliani sorlarni illersuisut atorineqakkajuttarnersut?**
 - **- Taamaangippat kissaatigaara paasissallugu innuttaasut sumut taava saaffiginnissinnaanersut ilitersorneqarusukkunik imaluunniit pinerluffigitissimagunik qitornatilluunniit pinerluffigitissimappata pisinnaatitaaffimminnik paasinaassagunik?**

Ilaqutariinnermut, Naligiissitaanermut Isumaginninnermut Inatsisinillu Atuutsitsinnermut Naalakkersuisoqarfik Justitsministeeriaqarfimmut paasissutissanik piniarsimavoq, taakkualu ima akipput:

”Justitsministeeriaqarfik Domstolsstyrelsimut oqaaseqaatinik akissuteqarnissamut atugassanik piniarsimavoq, taakkulu innersuussutigineqarput:

’Domstolsstyrelsen Justitsministeeriaqarfiup saaffiginninneranut atatillugu Kalaallit Nunaanni Eqqartuussivimmut aamma Nunatta Eqqartuussisuuneqarfianut ilassuteqaqqullugit qinnuiginnissimavoq.

18-08-2016
Suliap nr.
2016 - 10467
Allagaatip suussusia Nr.
3328667

Postboks 260
3900 Nuuk
Oqarasuaat (+299) 34 50 00
All (+299) 34 66 66
E-mail: iian@nanoq.gl
www.naalakkersuisut.gl

Malugeqquneqarpoq apeqqut akineqarsimammatt inunnut pinerluffigisimasanut ilitsersuisoqarnissaanut illersuisoqarnissaanullu periarfissat pineqarsimappata imaluunniit inunnut pinerluffigisimasanut ilaqaataasut qaninnerpaat pineqarsimappata.

Domstolsstyrelsen tamanna tunngavigalugu paasissutissiissaaq inuk eqqunngitsuliorfigineqarunartoq ilitsersorneqarumalluni kredsretimut saaffiginnippat eqqartuussiviup inuk politiinut saaffiginneqqullugu innersuuttussaammagu, politiillu suliamik paasiniaasussaammata.

Suliamik paasiniaasoqartillugu imaluunniit kingusinnerusukkat unnerluussisoqarniarpat eqqartuussivik illersuisussanngortitamik pilersitsisinnaavoq eqqartuussisarneq pillugu inatsimmi § 333, imm. 1 malillugu.

Illersuisussanngortitsisoqarniarpat ilaatigut piumasaqaataavoq eqqunngitsuliorfigineqartup illersuisoqartinnissaa ilaatigullu politiit paasiniaanermanni ima paasisaqartigisimassasut eqqartuussiviup isummerfigisinnaassallugu § 333, imm. 1-imi piumasaqaatit naammassineqarsimangersut.

Susassaqarfiit illersuisup ilitsersuiffigisassai illersuisut suliassai pisinnaatitaaffiilu pillugit nalunaarummi nr. 241, 18. marts 2011-meersumi erseqqinnerusumik nassuiaaffigineqarput.

Domstolsstyrelsenimit ilanngullugu paasissutissiissutigineqassaaq inunnik illersuisussanngortitassanik nassaarniarneq pisarneq malillugu ajornartuummat. Kalaallit Nunaanni kommunit inunnik illersuisussanngortitaasinnaasunik tamatigut pissarsisinnaasarsimangillat.

Apeqqut ilaatigut KAKUKOKA-p aallartitaanut Søren Søndergårdip apeqquteqataa tunngavigalugu Kalaallit Nunaanni Eqqartuussiveqarnermut Siunnersuisoqatigiit kingullermik ataatsimiinneranni oqaluuserineqarsimavoq. Kinguneratigut KANUKOKA-p (Kalaallit Nunaanni kommunit kattuffiat) aallartitaanik apeqqut pillugu Kalaallit Nunaanni Eqqartuussivimmi eqqartuussisumik aamma Nunatta Eqqartuussisuuneranik peqateqarluni ataatsimiittoqarpoq. Illersuisussamik tulluurtumik pissarsisoqarsinnaasimangikkaangat nunatta eqqartuussisuuneqarfia nunatta eqqartuussiviani sulianik suliarinnittoqartillugu ilaatigooriarluni nunatta eqqartuussisuuneqarfiata allattoqarfia nunatta eqqartuussisuuneqarfiani ataatsimiittoqarnerani illersuisutut atortarpoq, soorluttaarlu eqqartuussisut siulittaasuat ataatsimiinnissaaq sioqqullugu pisariaqarsimappat uppersarsaasusaaq piareersartittarlugu.'

kommunit pissarsiniartaqqullugit kajumissaarneqarsimmata, kommunilli inuit tulluartut aqqinik akissuteqarsimangimmata. Illersuisussanik tulluartunik pissarsiniartarnermut killiffik september 2016-imi Kalaallit Nunaanni Eqqartuussiveqarnermut Siunnersuisoqatigiit ataatsimiinnissaanni oqaluuserineqartussaavoq.

Justitsministeeriaqarfittaaq akissuteqarnissamut ilanngussisoqarnissaa siunertaralugu Rigsadvokatimit oqaaseqaammik piniarsimavoq, taakkulu imatut akissuteqarlutik:

'Nalunaarutigisinnaavara akissuteqarnissara pillugu Kalaallit Nunaanni Politimestereqarfimmiit oqaaseqaammik piniarsimavunga.

Kalaallit Nunaanni Politimestereqarfik nalunaarpoq pinerluttoqarsimatillugu suliani pinerluffigineqartumut illersuisoqarnissaq pillugu malittarisassat kalaallit eqqartuussisarnermut inatsisaanni kapitali 33-mi nassaassaasut.

Malittarisassani taakkunani ilaatigut takuneqarsinnaavoq eqqartuussivik qinnuigineqarnermigut pinerluffigineqartup tapersersornissaanut ilitsersornissaanullu illersuisussamik pissarsisinnaasoq, matumani pinerluutigineqartoq sakkortuuliornerusimangippat imaluunniit illersuisoqarnissaq pisariaqanngitsutut isigineqarpat. Illersuisoq illersuisussanngortitaasinnaavoq ilaatigut toqutsineq, nakuuserneq, kinguaassiuutitigut pinngitsaaliineq, kanngutsaatsuliorneq tillinniarnertu pillugit suliaqartoqartillugu.

Politiit pinerluffigineqartumut ilitsersuisarput illersuisumik pissarsisinnaaneq pillugu, politiillu illersuisoqarnissaq pillugu pinerluffigisap qinnuiginninnera eqqartuussivimmut ingerlateqqittarpaat. Taarsiissuteqartoqarnissaanut piumasaqaatinut tunngatillugu ilaatigut ersepoq politiit suliap ingerlanerani taarsiissuteqartoqarnissaanut piumasaqaatit atuutsinneqarnerinut kiisalu Erstatningsnævn (taarsiissuteqartoqarnissaanik aalajangiisartunik taaneqarsinnaasoq) aqquqtagalugu taarsiissuteqartoqarnissaanik qinnuteqarsinnaaneq pillugu politiit ilitsersuisartuusut.

Politimestereqarfik nalunaarpoq pinerluffigineqartup killisiornerani ilitsersuineq pisartoq. Killisiuineq killisiorneqartup oqaasii atorlugit soorunami ingerlanneqartarpoq, pisariaqarpallu oqalutseqarneq aqquqtagalugu, soorluttaarlu taarsiissuteqartoqarnissaanik apeqqut pillugu politiit ilitsersuummik pinerluuteqarfigineqartumut tunniunneqarsinnaasumik suliaqarsimallutik.

Politimesterimit ilanngullugu nalunaarutigineqarpoq inunnik isumaginnittoqarfinnut peqqinnissaqarfimmullu il.il. pisariaqartitsineq naapertorlugu attaveqarniarnerit politiit isumagisaraat. Inunnik isumaginninnermi imaluunniit peqqinnissaqarfimmi pisinnaatitaaffiit il.il. pillugit kalaallit oqartussaasui qanoq isumaginnittarnersut Politimestereqarfiup ilisimasaqarfiginngilaa.

Politimesterimit kingulliullugu nalunaarutigineqarpoq Danmarkimi eqqartuussissuserisumik illersuisoqartarnerup paarlattuanik Kalaallit Nunaanni illersuisusaaq inatsisitigut suliassartalinnik suliaqarneq ajorpoq, soorlu assersuutigalugu pinerluttuliornermik suliap ingerlanerani naatsorsuineranut, taarsiissuteqartoqarnissaanik piumasaqaatit saqqummiunnissaannut uppersarnissaannullu tunngasunik. Tamanna Kalaallit Nunaanni politiit piumasaqarnerisigut pisarpoq. Aammattaaq qanigisaaq pinerluttuliorfigineqartoq toqoreersoq sinnerlugu illersuisusaaqtaasussamik pissarsinissaaq Kalaallit Nunaanni inatsisitigut tunngavissaaqanngilaq, naak Danmarkimi eqqartuussissuserisumik illersuisoqarsinnaaneq periarfissaasoq

Justitsministeeriaqarfiup tassunga atatillugu malugeqquaa pinerluffigineqartumut taarsiissuteqartoqarnissaanik piumasaqarnissaaq illersuisup pisussaaffiginngikkaluarpagaluunniit illersuisoq sapinngisani malillugu ilaatigut.pinerluttuliornermik eqqugaasunut taarsiissuteqartarneeq pillugu inatsit malillugu taarsiissuteqarnissamut periarfissat pillugit pinerluffigineqartumut ilitsersuisusaaavoq, tak. inatsit nr. 277, 26. maj 1976-imeersoq Kunngikkormiut Peqqussutaat nr. 472, 25. september 1984-imeersutigut Kalaallit Nunaannut atuutilersoq kiisalu kingusinnerusukkut saqitsaannermik eqqartuussisoqarniarpat inatsisitigut ikiorneqarsinnaanerit, tak. illersuisut suliassaat pillugit nalunaarummi nr. 241, 18. marts 2011-meersumi § 1, imm. 2, nr. 3. ”

Naalakkersuisut isumaqarput pinerluttulerinermik suliani pinerluffigineqartup pisinnaatitaaffiinit tunngatillugu arlaatigut iliuuseqartoqartariaqartoq. Taamaammat Naalakkersuisut Justitsministeeriaqarfimmut qinnuiginnippat eqqartuussisarnermik inatsisip allanngortinnissaanut piareersaaqqullugit, taamaaliornermilu pinerluffigineqartup eqqunngitsuliorfigineqartullu inatsisitigut inissisimanerisa nukittorsarnissaat anguniarlugu.

Inussiarnersumik inuulluaqqusillunga

Martha Lund Olsen